



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj: 01-GV-02-917-2.1/22  
Datum, 01.06.2022. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na 16. sjednici Gradskog vijeća Grada Sarajeva, održanoj 01.06.2022. godine, **Komisija za Statut i akte Gradskog vijeće Grada Sarajeva** uputila je **inicijativu** kojom traži da Gradsko vijeće usvoji i uputi Kantonu Sarajevo Inicijativu za promjenu Ustava Kantona, a koja je u prilogu ovog akta.

*Gradsko vijeće je usvojilo navedenu inicijativu, te je ona postala inicijativom Gradskog vijeće.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

Prilog:

- Inicijativa za promjenu Ustava Kantona Sarajevo
- Izvještaj Komisije za Statut i akte Gradskog vijeće Grada Sarajeva, broj: 04-GV-02-917-2/22 od 30.05.2022. godine
- Izjašnjenje Komisije za lokalnu samoupravu Parlamenta Federacije BiH na Inicijativu Gradskog vijeće Grada Sarajeva, broj: 01/11-02-788-3/22 OD 27.04.2022. godine

Dostaviti:

- Skupština Kantona Sarajevo
- Vlada Kantona Sarajevo
- Ministarstvo pravde i uprave Kantona Sarajevo
- Gradonačelnici na znanje
- Evidenciji
- a/a

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
GRADSKO VIJEĆE

*Komisija za Statut i akte*

Broj: 04-GV-02-846-2.1/22  
Sarajevo, 13.05.2022. godine

Komisija za Statut i akte Gradskog vijeća Grada Sarajeva, na 32. sjednici održanoj 13.05.2022. godine, u funkciji pripreme 16. sjednice Gradskog vijeća Grada Sarajeva, razmatrala je:

2. Razmatranje radnog materijala za utvrđivanje teksta Nacrta Statuta Grada Sarajeva

i podnosi Gradskom vijeću Grada Sarajeva sljedeći:

## *IZVJEŠTAJ*

*TAČKA 23.*

*Vijećnička pitanja i inicijative*

Poslije rasprave i sažetka predsjedavajućeg, Komisija za Statut i akte je jednoglasno usvojila sljedeće zaključak:

Komisija za Statut i akte upućuje inicijativu Gradskom vijeću da Gradsko vijeće Grada Sarajeva uputi inicijativu Kantonu Sarajevo sa tekstom amandmana na Ustav Kantona Sarajevo, formulisanim tako da se stvori pravni osnov za direktan izbor gradonačelnika Grada Sarajeva.

*PREDSJEDAVAJUĆI KOMISIJE*

*Toni Vukadin, s.r.*





Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

*Komisija za Statut i akte*

Broj: 04-GV-02-917-2/22  
Sarajevo, 30.05.2022. godine

Komisija za Statut i akte Gradskog vijeća Grada Sarajeva, na 34. sjednici održanoj 30.05.2022. godine, u funkciji pripreme 16. sjednice Gradskog vijeća Grada Sarajeva, razmatrala je:

2. Razmatranje radnog materijala Inicijative za promjenu Ustava Kantona Srajevo

i podnosi Gradskom vijeću Grada Sarajeva sljedeći:

## *IZVJEŠTAJ*

### *TAČKA 23.*

#### *Vijećnička pitanja i inicijative*

Nakon rasprave a na prijedlog zamjenika Predsjedavajućeg, Komisija za Statut i akte sa šest glasova „za“ i jednim „suzdržanim“ glasom je usvojila sljedeće **zaključke**:

1. U skladu sa Zaključkom Komisije za Statut i akte Gradskog vijeća Grada Sarajeva, broj 04-GV-02-846-2.1/22, usvojenim na 32. sjednici održanoj 13.05.2022. godine Komisija za Statut i akte utvrđuje tekst Inicijative za promjenu Ustava Kantona Srajevo.
2. Komisija za Statut i akte Gradskog vijeća Grada Sarajeva upućuje inicijativu Gradskom vijeću Grada Sarajeva da Gradsko vijeće usvoji i uputi Kantonu Sarajevo Inicijativu za promjenu Ustava Kantona Srajevo iz tačke 1. ovog zaključka, a koja se nalazi u prilogu ovog akta, te da se u materijalu za Gradsko vijeće uz inicijativu priloži i Mišljenje Komisije za lokalnu samoupravu Federalnog parlamenta koje je razmatralo ranije dostavljenu inicijativu Gradskog vijeća, a kojom je također traženo od federalnih organa da pristupe izmjeni Ustava Federacije BiH po istom ovom pitanju.

*ZAMJENIK PREDSDJEDAVALJUĆEG KOMISIJE*

*Dženan Tikveša, s.r.*

Adresa: Hamdije Kreševljakovića 3  
71000 Sarajevo, BiH  
Tel: +387 33 216 659  
Fax: +387 33 205 874  
Email: gsgv@sarajevo.ba  
Web: gradskovijece.sarajevo.ba



Na osnovu član 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20) Komisija za Statut i akte Gradskog vijeća Grada Sarajeva upućuje inicijativu Gradskom vijeću Grada Sarajeva da podnese Kantonu Sarajevo sljedeću

## INICIJATIVU

### ZA PROMJENU USTAVA KANTONA SARAJEVO

Na osnovu člana 88. Statuta Grada Sarajeva („Službene novine Kantona Sarajevo“, broj 34/08-Prečišćeni tekst), a u vezi sa članom 53. Zakona o principima lokalne samouprave („Službene novine Federacije BiH“, br. 49/06 i 51/09) Gradsko vijeće Grada Sarajeva upućuje **inicijativu** zastupnicima u Skupštini Kantona Sarajevo, klubovima zastupnika u Skupštini Kantona Sarajevo i Vladi Kantona Sarajevo, da podnesu Skupštini Kantona Sarajevo, a Skupštini Kantona Sarajevo da usvoji, amandman na Ustav Kantona Sarajevo kojim će se omogućiti direktan izbor gradonačelnika Grada Sarajeva kako slijedi.

## AMANDMAN

### NA USTAV KANTONA SARAJEVO

U članu 4c. Ustava Kantona Sarajevo, koji je dodat Amandmanom LII na Ustav Kantona Sarajevo, u stavu 2. tačka 2. mijenja se i glasi:

„2. uređuje izbor gradonačelnika i zamjenika gradonačelnika tako da se gradonačelnik bira demokratskim putem, na neposrednim i tajnim izborima na cijelom području Grada Sarajeva, na način utvrđen zakonom.“

## OBRAZLOŽENJE INICIJATIVE

**Statutom Grada Sarajeva** u članu 88. propisano je:

„U vršenju vlasti i ostvarivanja prava i dužnosti građana, Kantonalne vlasti i organi Grada Sarajeva djeluju zajednički na partnerskim osnovama, izuzev u oblasti administrativnog nadzora koji veže Federalne i Kantonalne vlasti u pogledu rada organa Grada Sarajeva. Grad Sarajevo može Federalnim, odnosno Kantonalnim vlastima na razmatranje upućivati inicijative, prijedloge i sugestije.“

**Zakonom o principima lokalne samouprave u Federaciji BiH, u članu 53.** propisano je:

„Federalne, odnosno kantonalne vlasti dužne su razmotriti inicijative, prijedloge i sugestije jedinica lokalne samouprave i o svom stavu i poduzetim aktivnostima obavijestiti jedinice lokalne samouprave u roku od 30 dana od dana prijema inicijative, prijedloga ili sugestije.“

**Razlozi za podnošenje inicijative i obrazloženje predloženog rješenja.**

Gradsko vijeće Grada Sarajeva je u procesu izmjene Statuta Grada Sarajeva, a jedan od osnovnih razloga za pristupanje izmjeni Statuta Grad Sarajeva je usklađivanje sa posljednjim izmjenama Ustava Kantona Sarajevo.

Opredjeljenje organa Grada Sarajeva je da se uredi izbor gradonačelnika tako da na demokratskim izborima svaki građanin ima pravo neposredno glasati za gradonačelnika kako je to i u dugim gradovima u F BiH, a u skladu sa zakonom.

Međutim, uređivanje ovakvog izbora u Statutu Grada Sarajeva nije moguće, budući da je Ustavom Kantona Sarajevo izbor gradonačelnika propisan kao nadležnost Gradskog vijeća.

S tim u vezi, podnosi se inicijativa i predlaže subjektima nadležnim za podnošenje amandmana na Ustav Kantona Sarajevo da podnesu amandman kojim će se Ustav Kantona izmijeniti tako da se omogući građanima Grada Sarajeva neposredan izbor gradonačelnika. Istovremeno Gradsko vijeće Grada Sarajeva upućuje inicijativu Skupštini Kantona Sarajevo da ta takav amandman i usvoji.

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI/ZASTUPNIČKI DOM  
*Komisija za lokalnu samoupravu  
Povjerenstvo za lokalnu samoupravu*



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ПАРЛАМЕНТ ФЕДЕРАЦИЈЕ  
ПРЕДСТАВНИЧКИ ДОМ  
*Комисија за локалну самоуправу*

BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES  
Local Self-Government Committee

Bosna i Hercegovina - Federacija Bosne i Hercegovine,  
Kanton Sarajevo - GRAD SARAJEVO  
GRADSKO VIJEĆE

PRILOG BROJ: 29 APR 2022			
Obj. broj	Prilog	Vrijednost	
01/11-02-577-23		1.1.0	

Broj: 01/11-02- 788-3/22  
Sarajevo, 27.04.2022. godine

### GRAD SARAJEVO

n/r predsjedavajući Gradskog vijeća Grada Sarajeva, Jasmin Ademović  
n/r gradonačelnice Grada Sarajeva, Benjamina Karić

### KANTON SARAJEVO

n/r predsjedavajući Skupštine Kantona Sarajevo, Elvedin Okerić

### PREDMET: Izjašnjenje na Inicijativu Gradskog vijeća Grada Sarajeva

Komisija za lokalnu samoupravu Predstavničkog doma Parlamenta Federacije Bosne i Hercegovine na 16. sjednici održanoj 27.04.2022.godine u Sarajevu razmatrala je Inicijativu Gradskog vijeća Grada Sarajeva za izmjenu Ustava Federacije Bosne i Hercegovine.

U prilogu dopisa vam dostavljamo Izvještaj Komisije za lokalnu samoupravu Predstavničkog doma Parlamenta Federacije Bosne i Hercegovine broj 01/11-02-788-1/22 od 27.04.2022.godine.

Komisija za lokalnu samoupravu Predstavničkog doma Parlamenta Federacije Bosne i Hercegovine jednoglasno je podržala inicijativu za izmjenu Ustava FBiH kojom bi se omogućio direktan izbor Gradonačelnika Sarajeva.

Podsjećamo da je već ranije Komisija za lokalnu samoupravu Predstavničkog doma Parlamenta Federacije Bosne i Hercegovine usvojila zaključke i pokrenula inicijativu za izmjenu ovog dijela Ustava Federacije BiH zbog drugih gradova u Federaciji Bosne i Hercegovine

Da bi se uspješno realizovala ova inicijativa potrebna je sinergija i koordinacija više nivoa zakonodavnih organa zbog čega pozivam vas da u narednom periodu zajednički djelujemo u realizaciji ove inicijative.

Kada je riječ o Parlamentu Federacije Bosne i Hercegovine, potrebno je pristupiti minimalnim izmjenama Ustava Federacije Bosne i Hercegovine koji govori o izboru gradonačelnika u gradovima u Federaciji Bosne i Hercegovine.

U poglavlju VI.A. GRADSKE VLASTI stav (5) tačka b) propisano je da gradska vijeća biraju gradonačelnike gradova u Federaciji Bosne i Hercegovine, zbog čega bi trebalo u tom dijelu Ustava dodati mogućnost direktnog izbora gradonačelnika u Federaciji Bosne i Hercegovine.

Ovaj dio Ustava FBiH je doveden u pitanje djelovanje Parlamenta Federacije Bosne i Hercegovine i Centralne izborne komisije Bosne i Hercegovine koja je i bez njegovih izmjena propisala direktan izbor gradonačelnika u nekoliko gradova u Federaciji Bosne i Hercegovine.

Dalje Ustav Federacije Bosne i Hercegovine u poglavlju VI.B. organizacija Sarajevo daje nadležnosti Kantonu Sarajevo da određuje odnose u Gradu Sarajevu. Tekst Ustava Federacije Bosne i Hercegovine koji je dao Kantonu Sarajevo ovlasti za organizaciju Grada Sarajevo glasi:

- „1. U Kantonu Sarajevo osniva se Grad Sarajevo kao jedinica lokalne samouprave. Ustavom kantona Sarajevo bit će uređeno koje općine ulaze u sastav Grada Sarajeva.*
- 2. Sastav i način odlučivanja organa Grada Sarajeva odražava multietničnost i posebnost Grada Sarajeva kao glavnog grada Federacije Bosne i Hercegovine.*
- 3. Nadležnost, organizaciona struktura i način odlučivanja organa Grada Sarajeva utvrđuju se Ustavom kantona, kantonalnim zakonima i Statutom Grada, u skladu sa ovim Ustavom.“*

Iz normi Ustava Federacije Bosne i Hercegovine jasno se vidi da najveću zakonodavnu aktivnost treba imati Skupština Kantona Sarajevo kako bi se osigurao direktan izbor Gradonačelnika Sarajeva i gradskih vijećnika.

Potrebno je da Skupština Kantona Sarajevo izmjeni Ustav Kantona Sarajeva u onim dijelovima koji propisuju posredan način izbora Gradonačelnika, zamjenika Gradonačelnika i gradskih vijećnika.

Također želim istaći da je ova inicijativa isključivo vezana za način izbora Gradonačelnika, zamjenika i gradskih vijećnika te da se ona ne tiče nadležnosti Grada Sarajeva i drugih problema koji su sadržani u Ustavu Kantona Sarajevo, a nisu u skladu sa principima evropske povelje o lokalnoj samoupravi.

Paralelno sa izmjenama Ustava FBiH u manjem obimu, i Ustava Kantona Sarajevo u dijelu koji govori o načinu izbora Gradonačelnika, zamjenika i gradskih vijećnika potrebno je da Gradsko vijeće Grada Sarajeva pristupi usklađivanju Statuta Grada Sarajeva sa Ustavima FBiH i Kantona Sarajevo.

Kada je riječ o Izbornom zakonu Bosne i Hercegovine koji propisuje odredbe za izbor Gradonačelnika i gradskih vijećnika, nije potrebno pristupati njegovoj izmjeni.

Razlog zbog kojeg nije potrebno vršiti izmjene Izbornog zakona Bosne i Hercegovine da bi se uveo direktan izbor Gradonačelnika i gradskih vijećnika jeste taj što je ustavna nadležnost uređenja lokalne samouprave na entitetima i u ovom slučaju Kantonu Sarajevo, te da Centralna izborna komisija Bosne i Hercegovine provodi odluke entitetskih i kantonalnih vlasti kada je riječ o provođenju izbora u jedinicama lokalne samouprave.

Posljednji primjer jeste uvođenje direktnog izbora Gradonačelnika Istočnog Sarajeva koji je uveden bez izmjena Izbornog zakona Bosne i Hercegovine iako odredbe tog zakona su regulisale izbor Gradonačelnika Istočnog Sarajeva.

Nakon što je Narodna Skupština Republike Srpske donijela potrebne zakone, Centralna izborna komisija Bosne i Hercegovine je provela te zakone te na Lokalnim izborima 2020. održala direktne izbore za Gradonačelnika Istočnog Sarajeva.

Kao predsjednik Komisije za lokalnu samoupravu Predstavničkog doma Parlamenta Federacije Bosne i Hercegovine stojim vam na raspolaganju u realizaciji ove inicijative.



Dostaviti:

- ☑ Naslovu,
- ☑ Članovima Komisije za lokalnu samoupravu PD,
- Sekretaru Predstavničkog doma,
- Sekretaru Komisije,
- Savezu općina i gradova FBiH,
- a/a.



Broj: 01/11-02-788-1/22  
Sarajevo, 27.04.2022. godine

Bosna i Hercegovina  
Federacija Bosne i Hercegovine  
ПАРЛАМЕНТ ФЕДЕРАЦИЈЕ  
САРАЈЕВО

Primljeno: 27-04-2022			
Org. jed.	Broj	Priloga	Vrijednost

PREDSTAVNIČKOM DOMU  
PARLAMENTA FEDERACIJE BiH

Komisija za lokalnu samoupravu Predstavničkog doma Parlamenta Federacije BiH (u daljem tekstu: Komisija), na 16. sjednici, održanoj u srijedu 27.04.2022. godine, razmatrala je i usvojila sljedeći:

#### DNEVNI RED

1. Usvajanje zapisnika sa 15.sjednice Komisije za lokalnu samoupravu PD Parlamenta FBiH,
2. Zahtjev na odgovor U-14/22 od 12.04.2022.godine,
3. Tekuća pitanja.

Sjednici je prisustvovalo pet od ukupno deset članova Komisije za lokalnu samoupravu PD Parlamenta FBiH.

Na osnovu člana 44., a u vezi sa članom 67. Poslovnika Predstavničkog doma Parlamenta Federacije BiH, Komisija podnosi sljedeći:

#### IZVJEŠTAJ

##### Add-1

**Usvajanje zapisnika sa 15.sjednice Komisije za lokalnu samoupravu PD Parlamenta FBiH**

Komisija za lokalnu samoupravu Predstavničkog doma Parlamenta Federacije Bosne i Hercegovine jednoglasno je usvojila zapisnik sa 15. sjednice Komisije.





**-ispravka Add-2  
Add-2**

**Zahtjev na odgovor U-14/22 od 12.04.2022.godine**

Komisija za lokalnu samoupravu Predstavničkog doma Parlamenta Federacije Bosne i Hercegovine razmatrala je zahtjev Ustavnog suda Federacije broj: U-14/22 od 12.04.2022.godine. Nakon razmatranja i diskusije o ovoj tački dnevnog reda nisu usvojeni predloženi zaključci.

Komisija za lokalnu samoupravu Predstavničkog doma Parlamenta Federacije Bosne i Hercegovine razmatrala je prijedlog zaključka zastupnika Salke Zildžića kojim Komisija zauzima stav da je apelacija Ustavnom suda Federacije broj: U-14/22 od 12.04.2022.godine neusnovana. Nakon izjašnjavanja o prijedlogu zaključka, prijedlog nije dobio potrebnu većinu glasova, te nije usvojen.

**Add-3**

**Tekuća pitanja  
Inicijativa za izmjenu Ustava Federacije Bosne i Hercegovine**

Komisija za lokalnu samoupravu Predstavničkog doma Parlamenta Federacije Bosne i Hercegovine uvrstila je na dnevni red i jednoglasno je podržala Inicijativu za izmjenu Ustava FBiH kojom bi se omogućio direktan izbor Gradonačelnika Sarajeva.

Komisija podsjeća da je već ranije zauzela stav da je potrebno mijenjati ovaj dio Ustava FBiH i zbog drugih gradova u Federaciji Bosne i Hercegovine.

Komisija zadužuje predsjednika Komisije da dostavi zaključke Gradskom vijeću Grada Sarajeva i Skupštini Kantona Sarajevo.

U skladu sa članom 53. Poslovnika Predstavničkog doma za izvjestitelja je određen, Irfan Čengić predsjednik Komisije.

**PREDSJEDNIK KOMISIJE**

*Irfan Čengić, s. r.*